

藥性賦

寒

諸藥識性。此類最寒。犀角解乎心熱。羚羊清乎肝
澤瀉利水通淋。而補陰不足。海藻散癭破氣。而治疝
何難。聞知菊花能明目。而清頭風。射干療咽閉。而消
癰毒。薏苡理腳氣。而除風濕。藕節消瘀血。而止吐衄。
瓜蒌子下氣潤肺。地喘兮。又且寬中。車前子止瀉利
小便兮。尤能明目。是以黃柏。瘡用。堯鈴。嗽醫。地骨皮。

六

有退熱除蒸之效。薄荷葉宜消風清腫之施。寬中下
 氣。枳殼緩而枳實速也。療肌解表。乾葛先而柴胡次
 之。百部治肺熱咳嗽可止。大寒梔子涼心腎。鼻衄最宜。茵
 參治結熱毒癰。清利咽喉。升麻消風熱。腫毒發散。瘡
 癩。嘗聞膩粉抑痢而欬。肛門。金箔鎮心而安。龜。鳧。苗
 陳。主黃疸而利水。瞿麥治熱淋之有血。朴硝通大腸。
 破血而止痰癖。石膏墜頭疼。解肌而消煩渴。前胡除
 內外之痰實。滑石利六腑之澀結。天門冬止咳。補血

十一

冷而潤肝心。麥門冬清心解煩渴。而除肺熱。又開治
 虛煩。除噦嘔。須用竹茹。通秘結。導瘀血。必資自汗除大黃。宣
 黃連治冷熱痢。又厚腸胃。而止瀉。淫羊藿療風冷痺。

十二

且補陰虛。而助陽。茅根止血。與吐衄。石韋通淋於小
 腸。熟地黃補血。且療虛損。生地黄宣血。更醫眼瘡。赤
 芍藥破血。而療腹痛。煩熱亦解。白芍藥補虛。而生新
 血。退熱尤良。若乃消腫滿。逐水。於牽牛。除毒熱。殺蟲
 於貫衆。金鈴子治疝氣。而補精血。萱草根治五淋。而

十三

於貫衆。金鈴子治疝氣。而補精血。萱草根治五淋。而

十四日

消乳癰、側柏葉治血山崩漏之疾、香附子理血氣、婦
 人之用、地膚子利膀胱、可洗皮膚之風、山豆根解熱
 毒、能止咽喉之痛、白鮮皮去風治筋弱而癢、足頑痺、旋覆
 花明目、治頭風、而消痰嗽壅、又况荆芥穗清頭目、便
 血疏散風瘡之用、瓜蒌根療黃疸、毒癰、消渴解痰之憂、地
 榆療崩漏、止血止痢、昆布破疝氣、散癭散瘤、療傷寒
 解虛煩、淡竹葉之功倍、除結氣破瘀血、牡丹皮之用
 同、周知母止嗽、而骨蒸退、牡蠣益精而虛汗收、貝母清

十五

痰止咳嗽、而利心肺、桔梗下氣利胸膈、而治咽喉、黃
 芩止諸熱、而治五淋、槐花治腸風、亦醫痔痢、常山理
 痰結、而治溫瘧、葶藶瀉肺傷氣喘、而通水氣、此六十種藥、
 性之寒、又當攷圖經、以博其所治、觀參所用、其庶幾
 矣、

十六

熱

藥有溫熱、又當審詳、欲溫中、以革撥、用發散、以生薑、
 五味子、止嗽痰、且滋腎水、脘胸臍、療癆瘵、更壯元陽、

藥性

三

十

原夫芎藭、驅風濕、補血清頭、續斷治崩漏、安胎益筋、
 強腰脚、麻黃表寒、而療咳嗽、韭子助陽、而醫白濁、
 烏破積有消痰、逐風痺之功、天雄散寒、有去濕助精、
 陽之力、觀夫川椒達下、乾薑煖中、葫蘆已治虛冷、之
 疝氣、生卷栢破癥瘕、而血通、白朮消痰溫胃、而止吐
 瀉、菖蒲開心氣、散冷更治耳聾、丁香快脾胃、而止吐
 逆、良薑止冷痛之攻衝、肉蓯蓉益腎填精、胡椒止胃
 寒之痰吐、吳茱萸療心血之冷氣、石硫黃煖胃冷、而

十一

初五日

驅虫、散腎冷、助脾胃、須用草澄茄、療心疼、破積聚、乃
 用蓬莪朮、縮砂止吐瀉、安胎化酒食之劑、附子療虛
 寒、翻胃壯元陽之助、白芷菹治冷瀉、療癰止痛、於乳
 香、紅荳蔻止吐酸、消血殺蟲於乾漆、豈不知鹿茸生
 精血、腰脊崩漏之均補、虎脛骨壯筋骨、寒濕毒風之
 可驅、檀香定心氣、霍亂之疼減、鹿角壯精髓、腰脊之
 痛除、消腫益血於米醋、下氣散寒於紫蘇、扁豆助脾
 則酒有行藥、破血之用、麝香開竅、則葱有通中發汗

藥性

三

之功、嘗觀五靈脂、治崩漏、理血氣之刺痛、血竭止血
出、療金瘡之傷折、麝茸壯陽以助腎、當歸補虛而養
血、烏賊骨止崩漏帶下、且除目翳、鹿角膠住血崩、能
補虛羸勞絕、白花蛇治癰瘰、除風痺之癩疹、烏梢蛇
療不仁、去瘡瘍之風熱、又曰川烏藥、治冷氣之理、禹
餘糧療崩漏之因、巴豆利痰水、能破積結、獨活療諸
風、不論久新、山茱萸治頭暈、遺精之藥、白石英醫吐
膿、咳嗽之人、厚朴溫脾胃、去嘔膨消痰之用、肉桂行

血、療心冷、止汗如神、鱖魚有溫胃之功、代赭乃鎮肝
之劑、沉香下氣、能補腎定霍亂之心疼、橘皮導逆氣、
去嘔痰、而開胃、此六十種藥性之熱、宜參詳而誦記也、

溫

溫藥總括、醫家素語、木香理乎氣滯、半夏主於風痰、
蒼朮治目盲、燥脾勝濕、蘿蔔消膨脹、制麩尤堪、况夫
鍾乳粉、補肺氣、兼療腎虛、青鹽治腹疼、且滋腎水、山
藥而腰漏能治、阿膠而痢嗽皆止、赤石脂治精濁、而

止瀉、兼補崩中、陽起、石暖子宮、以壯陽、更醫陰痿。又
 曰：紫苑治嗽、防風祛風、蒼耳子透腦涕止、威靈仙宣
 風氣通、細辛去頭風、止嗽而療齒痛、艾葉治崩漏、暖
 宮而痢醫紅、羌活明目驅風、而除筋攣、腫痛、白芷止
 崩治腫、而療痔漏瘡癰、乃若紅藍花通經治腹中惡
 血之疼、劉寄奴破血療湯火金瘡之苦、除風濕之痛
 則、茵芋葉療折傷之證、則骨碎補、藿香葉辟惡氣、而
 定霍亂、草蓂仁溫脾胃、而止嘔吐、巴戟天治陰疝、白

濁補腎尤滋、玄胡索理氣痛、血凝調經有助、嘗聞款
 冬花潤肺去痰嗽、以定喘、白荳蔻寬膈止胃翻、而助
 脾、撫芎走經絡之痛、何首烏治瘡疥之資、薑黃能下
 氣、破惡血之滯、防己宜消腫、去風濕之痺、藁本除風
 主婦人陰痛之腫、仙茅益腎扶元氣、虛弱之衰、且曰
 破故紙溫腎補精髓、與勞傷、宣木瓜入肝療腳氣、并
 水腫、杏仁調便秘、止嗽之劑、茴香治疝氣、腎疼之用、
 訶子生津止嗽、療滑泄之病、秦艽攻風逐水、又除肢

節之痛。擯柳豁痰而逐水。更殺寸白蟲。杜仲益腎填精。去腰膝之重。當知紫石英療驚悸崩中之疾。橘核仁治腰疼。疝氣之瘕。金櫻子分益遺精。紫蘇子分下氣涎。淡豆豉發傷寒之表。大小蘗除諸血之鮮。益智安神主小便之頻數。麻仁潤肺利六腑之燥堅。黃芪補虛弱療瘡膿。狗脊壯腰脚。強筋骨。兔絲子補腎。以明目。馬蘭花治疝氣。而有益。此五十四種藥性之溫。更宜參圖經而默識也。

平

再詳藥品。平和性存。以礪砂而去積。用龍齒以安魂。青皮快膈。除膨脹。利脾之劑。芡實益精。治白濁。補腎之能。原夫木賊草去目翳。而崩漏亦醫。花藥石治金瘡。而血行則止。決明和肝氣。而明目。天麻主濕痺。而驅風。甘草和諸藥。而解百毒。蓋以性平。石斛平胃氣。而補腎虛。更醫脚弱。觀夫商陸治腫。覆盆益精。琥珀安神。而散血。硃砂鎮心。而有靈。牛膝補精。強足。善療

脚痛。龍骨止汗住濕。更治血崩。葶藶逐骨節之寒濕。
蒺藜治風瘡。而目明。人參潤肺。寧心開脾助胃。蒲黃
止崩治衄。消痰調經。豈不以南星。醒脾去驚風。痰吐
之憂。三稜破積除血塊。氣膨之證。沒石主泄瀉。之困
危。皂角治風痰之惡病。桑螵蛸療精氣之泄。鴨頭血
醫風腫之盛。蛤蚧治勞嗽。牛蒡子療風壅之痰。全蝎
主風癱。酸枣仁去怔忡之病。嘗聞桑寄生。安胎益血。
且止腰疼。大腹子去膨下氣。亦令胃和。小草遠志俱

有寧心之妙。木通猪苓尤為利水之多。蓮肉有清心
醒脾之用。沒藥在治瘡散血之料。郁李仁潤腸宣水。
去浮腫之疾。茯神寧心益志。除驚悸之病。白茯苓補
虛勞。多在心脾之有準。赤茯苓破結氣。兼利水道。以
無過。又因知麥蘖有助脾化食之功。小麥有收汗養
心之力。白附子去面風之遊走。大腹皮治水腫之泛
溢。椿根白皮主瀉血。桑根白皮主喘息。神麴健脾溫胃。
五加皮堅筋骨。以立行。桃仁破血治腰疼。栝子仁養心

脾而有益，抑又聞安息香、辟惡且止心腹之痛，冬瓜仁醒脾，當為飲食之資，殭蚕治諸風之喉閉，百合飲肺勞而嗽痰，赤小豆解熱毒，瘡腫宜用，枇杷葉下逆氣，噦嘔可醫，連翹排瘡膿，而消腫，石楠葉療脚氣之攣拘，穀蘖養脾，何魏除邪氣而破積，河車補血，大棗和藥性，而開脾，蠶甲治勞瘵，善破癥瘕，龜甲堅筋骨，更治崩疾，烏梅主便血，瘡痢之用，竹瀝治中氣，聲音之失，此六十六種，平和之藥，更參本草，而究其詳，悉也。

藥象陰陽



脾不主時於四季末各旺二十日
 乃坤土也生化二十一臟受胃之
 秉乃能生化也

十八反歌

本草明言十八反

半薑貝釵芩攻烏

漂戟遂羌俱戰草

諸參辛芍叛藜蘆

十九畏歌

硫黃原是火中精

朴硝一見便相爭

水銀莫與砒霜見

狼毒最怕蜜陀僧

巴豆性烈最為上

偏與牽牛不順情

丁香莫與鬱金見

牙硝難合京三稜

補瀉之圖



苦藥平升微寒亦升辛甘

藥平降苦寒瀉濕熱苦甘

寒瀉血熱甘寒瀉氣熱

諸品藥性陰陽論

夫藥有寒熱溫涼之性酸苦辛鹹甘淡之味升降浮

沉之能互相氣味厚薄不同輕重不等寒熱相雜陰

陽相混或氣一而味殊或味同而氣異總而言之不

可混說分而言之各有所能本乎天者親上本乎地

者親下輕清成象重濁成形清陽發腠理濁陰走五

臟清中清者榮養於神濁中濁者堅強骨髓辛甘發

散為陽酸苦涌泄為陰氣為陽氣厚為陽中之陽氣

散為陽

川烏草烏不順犀
 人參最怕五靈脂
 官桂善能調冷氣
 若逢石脂便相欺
 大凡修合看順逆
 炮熅炙燂莫相依
 六陳歌
 枳壳陳皮半夏齊
 麻黃狼毒及茱萸
 六般之藥宜陳久
 入藥方知奏效奇

薄為陽中之陰氣薄則發泄氣厚則發熱味為陰味
 厚為陰中之陰味薄為陰中之陽味薄則通味厚則
 泄升降浮沉之理胸中豁然而貫通矣人徒知藥之
 神者乃藥之力也殊不知乃用藥者之力也人徒知
 辨真偽識藥之為難殊不知分陽陰用藥之為尤難
 也

藥性升降浮沉補瀉法

足厥陰肝

味辛補酸瀉

氣溫補涼瀉

足少陽膽

手少陰心

味鹹補甘瀉

氣熱補寒瀉

手太陽小腸

足太陰脾

味甘補苦瀉

氣溫涼寒熱補
 瀉各從其宜

足陽明胃

手太陰肺

味酸補辛瀉

氣涼補溫瀉

手陽明大腸

足少陰腎

味苦補鹹瀉

氣寒補熱瀉

足太陽膀胱

五臟更相平也一臟不平所勝平之故曰安穀則昌絕穀則亡仲景云水入於經其血乃成穀入於胃脈道乃行故血不可不養衛不可不溫血溫衛和榮胃將行常有天命

諸臟五欲

肝欲散急食辛以散之 以辛補之以鹹瀉之

心欲更急食鹹以更之 以鹹補之以甘瀉之

脾欲緩急食甘以緩之 以甘補之以苦瀉之

肺欲收急食酸以收之 以酸補之以辛瀉之

腎欲堅急食苦以堅之 以苦補之以鹹瀉之

諸臟五苦

肝苦急急食甘以緩之 脾苦濕急食苦以燥之

心苦緩急食酸以收之 腎苦燥急食辛以潤之
肺苦氣上急食苦以泄之

開腠理致津液通其氣也

五臭湊五臟例

臊氣入肝 腥氣入肺 香氣入脾 焦氣入心

腐氣入腎

五行五色五味五走五臟主禁例

東方之木其色青其味酸其臟肝肝主筋木曰曲直

曲直作酸酸走肝筋病人勿多食酸

南方之火其色赤其味苦其臟心心主血火曰炎上

炎上作苦苦走心血病人勿多食苦

西方之金其色白其味辛其臟肺肺主氣金曰從革

從革作辛辛走肺氣病人勿多食辛

中央之土其色黃其味甘其臟脾脾主肉土曰稼穡

稼穡作甘甘走脾肉病人勿多食甘

北方之水其色黑其味鹹其臟腎腎主骨水曰潤下

潤下作鹹鹹走腎骨病人勿多食鹹

手足三陰三陽表裏引經主治例

太陽

足膀胱
手小腸

上羌活

下黃柏

少陰

足腎
手心

知母
黃連

少陽

足膽
手三焦

上柴胡
下青皮

厥陰

足肝

青皮

手包絡

柴胡

陽明

足胃
手大腸

上升麻白芷

下石膏

太陰

足脾

白芍藥

手肺

桔梗

諸藥瀉諸經之火邪

黃連瀉心火

梔子黃芩瀉肺火

白芍藥瀉脾火

柴胡黃連瀉肝膽火

知母瀉腎火
木通瀉小腸火

黃芩瀉大腸火

柴胡黃芩瀉三焦火

黃柏瀉膀胱火

諸藥相反例

甘草反

大戟

芫花

甘遂

海藻

烏頭反 半夏 括萎 貝母 白飲 白芨

藜蘆反 細辛 芍藥 人參 玄參 丹參

苦參 沙參

五臟補瀉主治例

肝虛者陳皮生薑補之虛則補其母腎者肝之母也
白以熟地黃黃栢補之如無他證錢氏地黃丸主之
實則白芍藥瀉之如無他證錢氏瀉青丸主之實
則瀉其子以甘草瀉心心者肝之子也

心虛者炒鹽補之虛則補其母肝者心之母也以生
薑補肝如無他證錢氏安神丸主之實則甘草瀉
之如無他證錢氏方中重則瀉心湯輕則導赤散

脾虛者甘草大棗補之實則黃連枳實瀉之如無他
證錢氏益黃散主之虛則補其母心乃脾之母以
炒鹽補心實則瀉其子肺乃脾之子以桑白皮瀉

肺

肺虛者五味子補之實則桑白皮瀉之如無他證錢

氏阿膠散主之虛則補其母脾乃肺之母以甘草
 大棗補脾實則瀉其子腎者肺之子以澤瀉瀉腎
 腎虛者熟地黃黃柏補之腎無實不可瀉錢氏止有
 補腎地黃丸無瀉腎藥虛則補其母肺乃腎之母
 以五味子補肺

已上五臟補瀉素問臟氣法時論備言之矣

欲究其精詳者本論

用藥九例

頭角痛須用川芎 血枯亦用 巔頂痛須用藁本

遍身肢節痛須用羌活風濕亦用

腹中痛須用白芍藥厚朴 臍下痛須用黃柏青皮

心下痛須用吳茱萸 胃脘痛須用草薹菔

脇下痛須用柴胡白朮潮熱寒熱往來亦用

莖中痛須用生甘草稍 氣刺痛須用枳殼

血刺痛須用當歸 心下痞須用枳實

胸中寒痞須用去白陳皮 腹中窄須用蒼朮

破血須用桃仁

活血須用當歸

補血須用川芎

調血須用玄胡索

補元氣須用人參

調諸氣須用木香

破滯氣須用枳殼青皮

解表熱須用黃芩去痰亦用

去痰須用半夏

去風痰須用南星

諸虛熱須用黃芪盜汗亦用

脾胃受濕須用白朮去痰亦用

下焦濕腫須用漢防己草龍膽

中焦濕熱須用黃連

上焦濕熱須用黃芩

煩渴須用白茯苓葛根

嗽者須用五味子

咳有聲無痰者須用生薑杏仁防風

咳有聲有痰者須用半夏枳殼防風

喘者須用阿膠天門冬麥門冬

諸泄瀉須用白芍藥白朮

諸水泄須用白朮白茯苓澤瀉

諸痢疾須用當歸白芍藥

亦未盡

上部見血須用防風
中部見血須用黃連

下部見血須用地榆

眼暴發須用當歸黃連防風

眼久昏暗須用熟地黃當歸細辛

解利傷寒須用防風為君白朮甘草為佐

解利傷寒須用甘草為君防風白朮為佐

凡諸風須用防風天麻

諸瘡瘍須用黃栢知母為君連翹黃芩為佐

小便不利須用黃栢知母為君茯苓澤瀉為佐

瘧疾須用柴胡為君隨所發之時所屬經絡部分以

引經藥導之

已上諸藥此大略言之以為處方之階欲究

其精於指掌珠囊中求之

諸品藥性主治指掌

羌活味苦甘平氣微溫無毒升也陰中之陽也其用

有五散肌表八風之邪利周身百節之痛排巨陽

肉腐之疽除新舊風濕之證乃手足太陽表裡引

經藥也

升麻味苦平氣微寒無毒升也陰中之陽也其用有

四引葱白散手陽明之風邪引石膏止足陽明之

齒痛引諸藥遊行四經升陽氣於至陰之下因名

之曰升麻

柴胡味苦平氣微寒無毒升也陰中之陽也其用有

四左右兩脇脇下痛日晡潮熱往來生在臟調經

內主血在肌主氣上行經手足少陽表裏四經藥也

白芷味辛氣溫無毒升也陽也其用有四去頭面皮

膚之風除皮膚燥癢之症止足陽明頭痛之邪為

手太陰引經之劑

防風味甘辛氣溫無毒升也陽也其用有二以氣味

能瀉肺金以體用通療諸風

當歸味甘辛氣溫無毒可升可降陽也其用有四頭

止血而上行身養血而中守稍破血而下流全活
血而不走

獨活味苦甘平氣微溫無毒升也陰中之陽也其用
有三諸風掉眩頸項難伸風寒濕痺兩足不仁及
為足少陰之引經

木香味苦辛氣微溫無毒升也陰中之陽也其用有
一諸調氣不可無泄肺氣不可缺

檳榔味苦辛氣溫無毒降也陰也其用有二墜諸藥

性若鐵石治後重驗如奔馬

吳茱萸味苦辛氣熱有小毒可升可降陽也其用有
四咽噎寒氣噎塞而不通胸中冷氣閉塞而不利
脾胃停冷腹痛不任心氣刺痛成陣而不止

藿香葉味甘氣溫無毒可升可降陽也其用有二開
胃口能進飲食止霍亂仍除嘔逆

川芎味辛氣溫無毒升也陽也其用有二上行頭角
助清陽之氣止痛下行血海養新生之血調經

黃連味苦氣寒無毒沉也陰也其用有四瀉心火消
心下痞滿之狀主腸澼除腸中混雜之紅治目疾
暴發宜用療瘡瘍首尾俱同

黃芩味苦平氣寒無毒可升可降陰也其用有四中
枯而飄者瀉肺火消痰利氣細實而堅者瀉大腸
火養陰退陽中枯而飄者徐風濕留熱於肌表細
實而堅者滋化源退熱於膀胱

大黃味苦氣寒無毒其性沉而浮下其用走而不守奔

土鬱而無擁滯定禍亂而致太平名之曰將軍

黃栢味苦氣寒無毒沉也陰也其用有五瀉下焦隱
伏之龍火安上焦出虛熾之統出臍下痛單製而
能除腎不足生用而能補痿厥除濕藥中不可缺
玄明粉味辛甘酸氣微溫無毒沉也陰也其用有二
去胃中之實熱善腸中之宿垢其妙不可盡述大
抵用此而代益硝也

白朮味甘氣溫無毒可升可降陽也其用有四利水

道有徐瀉之功強脾胃有進食之効性黃芩有安胎之能君枳實有消痞之妙

人參味甘氣溫無毒升也陽也其用有三止瀉生津液和中益元氣肺寒則可服肺熱還傷肺

黃耆味甘氣溫無毒陽也其用有四溫分肉而實滕理益元氣而補三焦內托陰證之瘡瘍外固表虛之盜汗

甘草味甘平無毒生之則寒炙之則溫生則分身補

計而瀉火炙則健脾胃而和中解百毒而有効協諸藥而無爭以其甘能緩急故有國老之稱

半夏味苦辛生寒熟溫有毒降也陽也其用有四徐溫化痰涎大和脾胃氣痰厥仍頭痛非此莫能治陳皮味辛苦性溫無毒可升可降陽中陰也其用有二留白者補胃和中去白者消痰泄氣

青皮味苦性寒無毒沉也陰也其用有四破滯氣愈高而愈効削堅積愈下而愈良引諸藥至厥陰之

分下飲食入太陰之倉

枳殼味苦酸性微寒無毒沉也陰也其用有四消心
下痞塞之痰泄腹中滯塞之氣推胃中隔宿之食
削腹內連年之積

枳實味苦酸性微寒無毒沉也陰也其用有四消胸
中之虛痞逐心下之停水日久之稠痰削年深
之堅積

桔梗味苦辛性微溫有小毒升也陰中陽也其用有

四正咽痛兼除鼻塞利偏氣仍治肺癰一為諸藥
之舟楫一為肺部之引經

知母味苦性寒無毒沉也陰中陰也其用有四瀉無
根之腎火療有汗之骨蒸止虛勞之陽勝滋化源
之陰生

藜本味苦辛性微溫無毒升也陰中陽也其用有二
大寒氣客於巨陽之經苦頭痛流於巔頂之上非
此味不能除

生地黃味甘苦性寒無毒沉也陰也其用有四涼心
火之血熱瀉脾土之濕熱止鼻中之衄熱除五心
熱之煩熱

熟地黃味甘苦性溫無毒沉也陰也其用有四活血

氣封填骨髓滋腎水補益真陰傷寒後脛股最痛

新產後臍腹難禁

五味子味酸性溫無毒降也陰也其用有四滋腎經
不足之水收肺氣耗散之金除煩熱生津止渴補

虛勞益氣強陰

川烏味辛性熱有毒浮也陽中陽也其用有二散諸
寒風之寒邪破諸積之冷痛

白芍藥味酸平性寒有小毒可升可降陽也其用有
四扶陽氣大除腹痛收陰氣陡健脾經墜其胎能
逐其血損其肝能緩其中

白茯苓味甘淡性平無毒降也陽陰中也其用有六
利竅而除濕益氣而和中小便多而能止小便塞

而能通心驚悸而能保津液少而能生白者入壬
癸赤者入丙丁

澤瀉味甘鹹性寒無毒降也陽中陰也其用有四去
胞垢而生新水退陰汗而止虛煩主小便淋瀝仙
藥療水病濕腫靈丹

薄荷葉味辛性涼無毒升也陽也其用有二清利六
陽之會首祛除諸熱之風邪

麻黃味苦甘性溫無毒升也陰中陽也其用有二其

形中空散寒邪而發表其節中寔正盜汗而固虛
厚朴味苦辛性溫無毒可升可降陰中陽也其用有
二苦能下氣去寔滿而泄腹脹溫能益氣除濕滿

散結調中

杏仁味苦甘性溫有毒可升可降陰中陽也其用有
二利胸中氣逆而喘促潤大腸氣閉而便難

巴豆味辛性熱有大毒浮也陽中陽也其用有二削
堅積蕩臟腑之沉寒通閉塞利水穀之道路斬關

奪門之將不可輕用

黑附子味辛性熱有大毒浮也陽中陽也其性浮而不沉其用走而不息除六腑之沉寒補三陽之厥

香逆

蒼朮氣味主治與白朮同補中除濕力不及白朮中

發汗功過於白

秦艸味苦辛平性微溫無毒可升可降陰中陽也其用有二除四肢風濕若懈癱遍體黃疸如金

白癰蠶味鹹辛平性微溫無毒升也陰中陽也其用

有二去皮膚風動如蟲行主面部黥生如漆點

白豆蔻味辛性溫無毒升也陽也其用有四破肺中

滯氣退自甲雲氣散胸中冷氣補上焦元氣

地榆味苦甘酸性微寒無毒沉也陰也其用有二主

下部積熱之血痢止下焦不禁之月經

連翹味苦平性微寒無毒升也陰也其用有二瀉諸

經之客熱散諸腫之癢癩

何膠味甘平性微溫無毒降也陽也其用有四保肺

益金之氣止咳蠲咳之膿補虛安姓之胎治痿強

骨之力補之血脈五經六腑

桃仁味苦甘平性寒無毒降也陰也其用有二潤大

腸血秘之便難毒大腸久蓄之血結

生薑味辛性溫無毒升也陽也其用有四製半夏有

解毒之功佐大棗有厚腸之說溫經散表邪之風

益氣止胃翻之噦

石膏味辛甘性大寒無毒沉也陰也其用有二制火

邪清肺氣伸景有白虎之名除胃熱奪其食易老

云大寒之劑不可輕用醫家謂之峻藥

官桂味辛性熱有毒浮也陽中之陽也氣之薄者桂

枝也氣厚者肉桂也氣薄則發泄桂枝上行而發

表氣厚則發熱肉桂行下而補腎此天地親上親

下之道也其用有二

細辛味辛性溫無毒升也陽也其用有二止少陽合

病之首痛散三陽數變之風邪

梔子味苦性大寒無毒沉也陰也其用有二療心中
懊懣顛倒而不得眠治臍下血滯小便而不得利
易老云輕飄而象肺色赤而象火又能瀉肺中之火
葛根味甘平性寒無毒可升可降陽中之陰也其用
有四發傷寒之表邪止胃虛之消渴解中酒之苛
毒治往來之溫瘧

煩熱補虛通月經

猪苓味甘淡平無毒降也陽中陰也其用有二除濕
腫體用萹備利小水氣味得常

乾薑生則味辛炮則味苦可升可降陽也其用有二
生則逐寒邪而發表炮則除胃冷而守中
草龍膽味苦性寒無毒沉也陰也其用有二退肝經

之邪熱除下焦之濕腫

蘇木味甘鹹平性寒無毒可升可降陰也其用有二

破瘡瘍死血非此無功除產後敗血有此立驗
杜仲味辛甘平性溫無毒降也陽也其用有二強志
壯筋骨滋腎止腰痛酥炙去其繖功效如神應
天門冬味苦平性大寒無毒升也陰也其用有二保
肺氣不被熱擾定喘促使得康寧

麥門冬味甘平性寒無毒降也陽中陰也其用有四
退肺中隱伏之火生肺中不足之金止燥渴陰得
其養補虛勞熱不能侵

木通味甘平性寒無毒降也陽中陰也其用有二瀉
小腸火積而不散利小便熱閉而木通瀉小腸火
無他藥可比利小便閉與琥珀同功

地骨皮味苦平性寒無毒升也陰也其用有二療在
表無定之風邪主傳屍有汗之骨蒸

桑白皮味甘性寒無毒可升可降陽中陰也其用有
二益元氣不足而補虛瀉肺氣有餘而止咳

甘菊花味苦甘平無毒可升可降陰中陽也其用有

二散八風上注之頭眩止兩目欲脫之淚出

紅花味辛性溫無毒陽也其用有四逐腹中惡血而
秦補血虛之虛除產後敗血而止血暈之暈

赤石脂味甘酸性溫無毒降也陽中陽也其用有二
以固腸胃有收斂之能下胎衣無推蕩之峻

通草味甘平無毒降也陽中陰也其用有二陰竅益而
不利水腫閉而不行盜閉兩俱立驗因有通草之名
烏梅味酸平性溫無毒可升可降陰也其用有二枚

肺氣除煩止渴主泄痢調胃和中

川椒味辛性大熱有毒浮也陽中陽也其用有二用
之於上追兩目之翳膜用之於下徐六腑之沉寒
姜羌味甘平無毒降也升也陽中陰也其用有四風
淫四末不用淡出兩目皆爛男子漏注腰疼女子
面生黑點

秦皮味苦性寒無毒沉也陰也其用有四風寒邪合
濕成痺青白色幻翳遮睛女子崩中帶下小兒風

熱驚癇

白頭翁味苦性溫無毒可升可降陰中陽也其用有
四傳男子陰疝偏腫治小兒頭禿羶腥鼻衄血無
此不効痢赤毒有此獲功

牡蠣味鹹平性寒無毒可升可降陰也其用有四男

子夢寐遺精女子赤白崩中榮衛往來虛熱滑

大小腸同

乾漆味辛平性溫無毒降也陽中陰也其用有二劑

年深堅結之沉積破日久閉結之瘀血

南星味苦辛有毒可升可降陰中陽也其用有二盤

中風不省之痰毒主破傷如屍之身強

商陸味酸辛平有毒降也陽中陰也其味酸辛其形
類人其用療水其効如神

葶藶味苦性寒無毒沉也陰中陰也其用有四餘適
身之浮腫逐膀胱之留熱定肺氣之喘促療積飲

之痰厥

海藻味苦鹹性寒無毒沉也陰中陰也其用有二利
水通道閉結之便泄水氣消適身之腫

竹葉味辛苦平性寒無毒可升可降陽中陰也其用

有二除新舊風邪之煩熱止喘促氣勝之上衝

葱白味辛性溫無毒升也陽也其用有二散傷風陽

明頭痛之邪止傷寒陽明下痢之苦

天麻味辛平無毒降也陽也其用有四療大人風熱

頭眩治小兒風癩驚悸祛諸風痺麻不仁主癰瘰

語言不遂

大棗味甘平性溫無毒降也陽也其用有二助脈強

神大和脾胃

威靈仙味苦性溫無毒可升可降陰中陽也其用有

四推腹中新舊之滯消胸中痰唾之痞散苛癢皮

膚之風利冷痛腰膝之氣

鼠粘子味辛平無毒降也陽也其用有四主風濕癰

疹盈肌退風熱咽喉不利散諸腫瘡瘍之毒利凝

滯腰膝之氣

草豆蔻味辛性溫無毒浮也陽也其用有二去脾胃積滯之寒邪止心腹新舊之疼痛

玄胡索味苦辛性溫無毒可升可降陰中陽也其用有二活精血療產後之疾調月水治胎前之證

用藥法象

天有陰陽風寒暑濕燥火三陰三陽上奉之

溫涼寒熱四氣是也溫熱者天之陽也寒涼者天

之陰也此乃天之陰陽也

地有陰陽金木水火土生長化收藏下應之

辛甘淡酸苦五味是也辛甘淡者地之陽也酸苦

鹹者地之陰也此乃地之陰陽也

陰中陽有陽中有陰

平旦至日中天之陽陽中之陽也

日中至黃昏天之陽陽中之陰也

合夜至鷄鳴天之陰陰中之陰也

鷄鳴至平旦天之陰陰中之陽也

故人亦應之人身之陰陽外為陽內為陰背為陽腹為陰臟為陰腑為陽心肝脾肺腎五臟為陰膽胃大腸小腸膀胱三焦六腑為陽所以知陰中之陰陽中之陽者何也如冬病在陰夏病在陽春病在陰秋病在陽知其所在則施鍼藥也

背為陽陽中之陽心也
背為陽陽中之陰肺也
腹為陰陰中之陰腎也
腹為陰陰中之陽肝也

腹為陰陰中之至^陰脾也

此皆陰陽表裏內外雌雄相輸應也